



90416

樂夾

府有

二生

卷三



樂府序

往余讀越絕覽毗陵故蹟嘗之江上用春車返訪古建湖  
拜季子墓下或云郡東南八十里曰太湖有夫椒山環湖中  
峙楊梅夏熟可鱸舟飽噉又其地偏境古或者有高人奇士  
翺翔其中既走四方不可復往三四年間余與趙子味辛客  
京師述桑梓勝事有偕遊之約未幾味辛家居與蔣民部立  
菴葦杜門談道無意山水泊余歸里立菴方北去味辛屢放  
舟浙中未暇以遊於鄉而余又有于湖之行居數月味辛寓  
書于湖且以雲溪樂府示余展卷快讀則皆採鄉中節烈高  
逸自春秋迄今歌詠之長言之哀然成帙竊訝味辛所詣之  
速且勇其所觀感甚大余乃歎偕遊山水之志之淺也夫山

亦有生齋集樂府序

高水長古人長往生斯土者稍不自立則忽忽百年與草木  
同腐卽如明之末造東林不過下里講學之地而國運之盛  
衰士氣之良楮關焉蓋其自立者審已余嘗論之君子懷抱  
利器觀國之光用之爲祥麟翮鳳豈願試勁草於疾風見後  
凋之松柏然而平居混俗同塵無不欲不爲之守一旦臨小  
利害潰防決閑而不可保況其大於是者乎味辛之爲是詩  
也毋亦取夫臨難持危之高節勵其慎微謹小之大防而非  
以爲舍此不足以見君子也夫詩人之旨不過山花溪鳥玩  
時寫意一以寄其幽懷愁思而味辛獨能以金管之才仿丹  
書之例觀其詩亦以知其自立已余過九秋當歸訪君於雲  
溪江湖寒淥時與君棹一葉之扁舟聽其所止而休焉味辛

居鄉久亦嘗得向所謂高人奇士意者與余相引於山高水  
長之間是所望也不可知也余與味辛惟持此意以相礪於  
無窮使立菴見之當亦粲然悅怡然感也夫乾隆辛卯四月  
同里管幹珍

詩之義與春秋相表裏孔子曰可以興可以觀卽春秋義也  
康成知之以共和年表作詩譜少陵元白知之以時事爲樂  
府鐵崖西崖知之以史事爲樂府我友味辛知之又以延陵  
一郡之人之事爲樂府其隸事雖殊其於勸懲褒貶之旨則  
一也味辛詩如箴如銘微而婉隱而顯言近而意遠颯颯乎  
六義之道萃焉夫天下大矣其賢人君子芬芳風烈可畧可  
歌者何限而何獨延陵則然延陵之有味辛也延陵古人之  
幸也雖然味辛爲恭毅公之後人激揚清濁門風有自又以  
高才生

亦有生齋集樂府序

二

盛世公侯之子孫必復其始味辛歌人乎盍使人歌味辛乎  
吾老矣幸而未衰其猶能兼聽之乾隆乙未秋錢塘袁枚  
傳曰一國之事繫一人之本謂之風關雎葛覃隆始基之業  
風琴車揭表哀思之困樹惇人倫經緯禮俗颯颯乎不可尙  
已變風告終樂府斯作吳嚴梁皇物比於剛柎馮翊蒲反節  
汁於律閒三唐以來厥體滋廣新安石壕之製胡旋太行之  
篇杜白濫其原李楊廓其委莫不寓載筆於絲竹發長言於  
袞鉞諷詠之情旣深主文之義彌永遠於事變而懷其舊俗  
者也吾鄉延陵故封禮讓成化瑰人琦士疊軌駢馳而方志



缺略文獻散逸大雅之材不作籍氏之譏以彰頌聲寂寥潛  
德淪絕志學之彥慄焉閔之夫近士大夫厥有四蔽飛華尊  
俎之上逐妍投贈之末假六義爲衡纒飾四聲爲膳雉公宴  
行餞之作述德介眉之詞削廊竹而未馨燔秦坑而欲窒結  
言所契靡問脂販之侶穆如之誦實獻田實之門天枉性靈  
抗志壘俗祇以速其愆尤鮮有合於懲勸其蔽一也九層之  
臺實土聚其積千里之行跬步致其用迺有齷儒耳食末學  
膚受同甫田之忽近等杞圃之圖遠聞二遺一識十忘五祖  
禰未別探三古之歸藏闡闡昧音通八紘之結舌其蔽二也  
首邱之正有生大期登岳之謠達士猶感故鳥迅羽而投林  
鱗勞喁而縱壑今則一命始列半通乍縮已鄰所生於互鄉

亦有生齋集樂府序

三

比故土於焦石爰居止魯饗鐘鼓而不歸胡馬適秦謂芻蕘  
之可悅曾無孔父十里之思永絕浮屠三宿之戀望墟墓而  
微悲忘毛裏之安在其蔽三也生榮死悴蚩氓所爲大哀逝  
川奔景志士於焉隕涕而天下熙熙日盱鼻息語科第則色  
飛陳鍾鼎則神壯高閔閔於穹蓋炎勢灼於朝旭罕不脰鳴  
仄行蟲驕螳怒噬龍比爲詭激斥閔曾爲近名及其北首告  
辭西州大去輿肆在塗同貉子之委野孟弋去室少婦人之  
行哭淒涼山木魂魄秋草其蔽四也又況老成之人先落子  
弟之瞻靡從敖辟之俗已中於馮生性情之原無當於風雅  
維桑與梓必恭敬止將欲緝其頽綱必先昭其舊式此收葦  
先生雪溪樂府之所爲作與會臣家世食德早歲羈泊幸中

郎典型之在感元禮通家之知異曰甄次所聞周度軼事補  
耆舊之傳成士女之志遠慙昔人明述之旨庶存禮經必式  
之意云爾嘉慶壬申十二月同里後學董曾臣  
夫魯史之體詳內而略外此方志之左海也韓詩之旨舉近  
以諷遠斯俗化之右竊也士大夫沐浴疇德胚胎前光不能  
扇徽馨詠駿烈數典有忘禮之誓藝禮昧必式之義不其庶  
與吾郡上分帝車之曜下當少陽之位滂仁曠義林挺角出  
韜寶彌耀含薌漸越節炳乎緄帛動溢乎烝鼎趙君收菴爰  
著樂府二卷上游姬籙下逮勝國將以被金石美審俗訂史  
匠之譌焉補禱乘之闕焉夫雙劍之節崇而飛白之俗成俠  
瑟之容飾而赴曲之和作今者鄉黨傳其庭誥雲初守其楹

亦有生齋集樂府序

四

書輩作輩學被服里人之美以游以釣私淑君子之澤俾秦  
山之節烈彌劬魯國之絃誦弗替斯舞詠之懿也漢興以來  
輶軒之職廢而樂府之響作聲主盪滌義規懲勸美其感化  
弗輟晉宗之祠聆其鏗鏘可當神絃之奏瓦絲尙議粗豆曰  
新流韻應牘之開托興球鐘之外斯又聲音之嬗也然而削  
怨五百牒集矢尙多襲謬八十宗罄竹難改惟桑梓之目驗  
既悉斯枌榆之典要可憑務使白雲昭昭蒼狗之變既盡良  
玉瑤瓊青蠅之玷斯滅彼曲學多辯直等之優言無郵云爾  
若夫羊裘高躅阜帽孤忠義姑不著於魯經蠻生無聞於吳  
志度尙弟子絕少黃絹之碑巖陵故人曾無客星之奏烏頭  
矣託龍尾終潛茲竝勒以瑤編書之銀管舞紉絕宮之魂魄



闡冥漠君之姓氏非值畜德之助抑亦澤枯之誼已余於是  
有感焉昔有明遵元二之裁賢人丁陽九之阨尸臣黨銅枷  
鎖生香媼相刊章銀鑰滿市碎首青蒲之上梳血金商之下  
舉幡大學則陳東決脰稟餽請室則范升貫耳國事日非士  
氣益振迨乎玉弩無塵金甌有主猶復據饒雷之山河舞形  
天之干戚不餐薇蕨願化沙蟲是則東林片席實關明社南  
蘭百里尤聚黨魁是編所採於斯爲盛異日播之邦族操我  
土風救勒高歌黎收起舞廉頑慝立激濁揚清是豈襄陽銅  
鞮之謳巴渝竹枝之什所可同日而語哉嘉慶丁丑三月同  
里左輔

延陵在周屬吳秦屬會稽郡齊梁以後人物輩起帝王名臣

亦有生齋集樂府序

五

吏治儒林忠義孝友節烈高行卓卓可紀稱極盛焉然則延  
陵雖百里地實於東南百城中爲望郡也夫古人有產其地  
而志乘羞稱推而遠之若將浼焉者非產其地而蹤跡所及  
引而比之以爲光瑞者無他直道存而好惡公也余童時好  
譚桑梓軼事及長從吾宗秋圃先生遊又與湯君修業過從  
兩人皆邑遺獻遂復增益所聞客秋自白門抱疴歸取前所  
誌憶參諸傳記得樂府百首遵略前詳後之意仿比例得書  
之體而準乎必恭敬止之心事之有關名教有利城社者書  
之卽無係於此而可歌可愕未可輕棄者亦書之大率專示  
表章微昭炯鑒以一邑推之天下期協乎史家勸懲之義而  
止夫由周以來上下千百年身踐茲土與茲土草木同腐者


何限數典忘祖叩之茫如者又何限若是者豈非良負於父母之邦哉故生於斯而工可歌社可祭作則於閭閻垂教於來茲鄉先生之責也生於斯而闡幽芳發前烈存心乎繼述無忝乎先型後死者之責也至於山川之淑美科名之焜耀燕義之壘漏知我罪我吾無計焉白雲溪爲郡城之勝先人之敝廬在飲食沐浴於此遂以名吾篇乾隆三十六年春三月武進趙懷玉自序

亦有生齋集樂府序

六



叔庵小像



或翰或墜匪患匪夷文重倫紀  
史脩文辭所惜遲莫沈疴莫治  
縱有暇日難尋樂者凌早開寧  
小歸未盪展夫雙眉既莫慰此  
生之志又安求後世之知  
道光初元十月叔庵安自題

亦有生齋集樂府目錄

第一卷 雲溪樂府

十字碑

披裘歌

夫椒敗

春申引

朱山高

彭君歎

中郎墓

負薪曲

周孝侯

打鼓行

草肅肅

車轅折

五擲盧

須我歸

無礙殿

栗擲帝

七疋綃

卿有名

亦有生齋集樂府目錄

陳司徒

王闞寃

升御榻

謀舍人

蕭夫子

非市名

手植檜

一甌酒

樞密來

排闥諫

胡公塘

焚諫草

蜀山歎

毀黨碑

綱安否

斷兒手

岳韓勳

還手詔

千金書

遺愛坊

兩巡檢

道學解



雙刀王

悲姚公

非死所

眇一目

龜巢篇

徐大師

清闕閣

焦先生

帽擲地

築城行

陸郎怨

刼降哀

第二卷 雲溪樂府

舟中泣

訪邈邈

雙烈歎

撰樂章

尹蓬頭

避蝗歌

孝友贊

三虎引

侍臥起

戍遠行

慧星現

活一命

一揖出

應筆架

拒倭行

進鵝哀

望城泣

窶人子

舞鏡簡

諱父名

黜賓尹

投園池

夢虎飛

持血衣

才子寃

長跪求

曾公堤

賣蔗童

吳公歌

塞陽寃

亦有生齋集樂府目錄

登崑崙

歲朝揖

鉅鹿戰

醞酒誓

殉城誓

百里歌

為誰守

金兵部

北向拜

指門眼

搖手三

哀董生

沉淵曲

悲澄江

孫令來

九龍山

牧牛兒

煎海僧

黃衣士


米堆山

十上策

大風曲

亦有生齋集樂府目錄

三






亦有生齋集樂府卷第一

表琳娘

武進 趙懷玉

雲溪樂府

十字碑



秦伯虞仲兮伯夷叔齊茫茫千古兮悠悠我思宋襄子魚兮  
難乎爲繼先王知人兮敢干義嗣匆匆抽劍兮肘腋之問何  
尤于光兮何厚于樊穹碑十字兮春秋之筆闔閭墳荒兮孰  
得孰失

吳王壽夢四子諸樊餘祭餘昧季札札賈欲立之讓不  
可乃立樊已除喪復讓位札曰君義嗣也誰敢干君樊

卒命授餘祭欲以次致國于札及昧卒逃去立子僚公

亦有生齋集樂府卷一

子光弑僚自立季子待終延陵墓有十字碑孔子題曰  
有吳延陵君子之墓烏康

披裘謂

謂我拾金兮身豈負薪耶謂爾君子兮心何野人耶望而不  
見兮未足與言耶

披裘公當暑披敝裘負薪而行道有遺金不顧季子怪  
之曰反裘負薪豈拾遺金者何吾子貌君子而心野

人也問姓氏曰子皮相之士何足與言姓名遂去季子  
立而望之不見乃去

夫椒敗

敗夫椒報檣李吳如龍越如豕賜胥劍築娃宮吳爲豕越爲

龍保會稽甲三千吳爲沼二十年居甬東孤老矣二世雄乃至此

左傳哀公元年吳王夫差敗越于夫椒報檣李也越子  
生不行成吳將許之子胥泣諫不聽退曰二十年之外吳其  
未爲沼乎二十二年冬越滅吳使吳王居甬東辭曰孤老  
矣焉能事君乃縊

春申引

一言不使兩虎傷咸陽布衣歸作王王出關功莫比上客三  
千躡朱履可憐好士推春申眼中不識朱觀津身欲亡猶自  
賀邯鄲賈人居奇貨種玉計成三族墮

春申君黃歇楚人封于吳慮秦滅楚說秦王曰今聞大

亦有生齋集樂府卷一

二

王欲伐楚此猶兩虎相鬪云云乃止楚使太子完質于  
秦歇說應侯略云若不歸則咸陽一布衣耳楚更立太  
子必不事秦因變衣服爲楚使者御以出關是爲考烈  
王王無子李園進其女弟于歇有身女弟乘閒說歇遂  
進于王生子爲太子園恐泄王卒伏死士于棘門刺殺  
之初觀津人朱英請爲歇殺李園不聽

朱山高

生不願爲司徒之尊居要路但願身後漢家朱幡一到墓一  
到墓平生心改臘之祭吾弗歆餓死之勝吾知音朱山之高  
亘古今

虞仲卿墓在無錫王莽逼仲卿爲司徒不從死之光武



使使持宋幡表其墓故號朱山  
昔禹妻塗山氏一氣  
彭君歎  
漢彭君歎  
孤城小于彈強鏃不可當不爲太守服但爲彭君降父辱子

卽死童義吏亦良嗟哉蘭陵人尙知有子陽  
漢彭修字子陽毘陵人年十五父爲盜刼修困迫拔刀  
呼父辱子死卿等顧不畏死耶盜笑曰此義童不宜逼  
後州辟從事張子林等作亂修與太守討之賊望見太  
守競射之修障太守中流矢死賊殺中修者悉降曰我  
輩自爲彭君降不爲太守服也

### 中郎墓

中郎墓在何許國史不成身向土失足一時恨終古中郎墓

亦有生齋集樂府卷一

三

乃在斯斷碑入地深十尺上有屈曲模餽辭君不見虞帝南  
巡不到此夫椒馬蹟談秦始

蔡邕墓在互邨近新塘鄉人得其墓碑唐鶴徵志廣輿  
志皆載之舜過山在武進界夫椒山有馬蹟相傳始皇  
駐蹕於此

### 負薪曲

吳隱之妻負薪夷齊飲盜泉至死豈失真分合貧貧已矣投  
香入湖沉到底君不見一具瓊一雙筆孔公何如范公潔後  
來繼者嗤其拙

晉吳隱之爲晉陵太守清儉妻自負薪嘗飲貪泉詩曰  
試使夷齊飲終當不易心投至番禺妻齋沈香一斤隱

之投于湖亭之水梁范岫守晉陵唯作牙管筆一雙猶  
以爲費陳孔免除晉陵守曲阿富人殷綺餉衣氈一具  
卻不受

周孝侯

行不近猛虎窟影不落潛蛟淵蛟虎本無知志士驚暮年朝  
來殺虎南山下白額無聲血流赭翻身直入馮夷宮手屠蛟  
腹迎腥風浮沉三日一躍起生還不慶慶其死欲修肯憚前  
途艱古來豪傑立名皆類此寄語都督渾莫輕亡國後寄語  
梁王形休誇勢炙手紛紛衆惡攻孤臣不歸有母歸有君自  
知此行陷危地慷慨驅車畢吾志嗚呼魴之子賓之孫有兒  
風烈如將軍華亭鶴唳憐機雲

亦有生齋集樂府卷一

四

周處陽羨人少爲人所惡感父老三害之言殺虎斬蛟  
入吳從二陸遂仕吳吳平王渾醜酒建鄴宮處曰魏亡  
于前吳滅于後亡國之戚豈惟吳中王慚入晉累遷御  
史中丞梁王彤遠法深文按之兵人齊萬年反朝臣惡  
處諂詔爲建威將軍隸夏侯駿彤爲都督孫秀知其將死  
曰卿有母可辭也曰忠孝安得全悲慨卽路賊軍七萬  
駿以五千兵逼令擊之遂戰沒祖寶官於吳多政績父  
魴多武功子圯仕晉三定江南

打鼓行

蹙蹙細腰鼓鄉人畏如虎一朝忽折節事文復事武鍾山石  
上琴聲終行八千載思蕭公丈夫變化在俄頃安能長老樊



籬中樊籬中空白頭爲人料增已羞前有周府君後有韋蘇  
州士宋蕭思話十許歲時好騎屋脊打細腰鼓侵暴鄉里莫

不患毒之折節數年遂有令譽嘗從文帝登鍾山石上  
撫琴帝嘉賞有松石間意元兕劭弒立以爲徐兖二州  
刺史卽起義應孝武

草肅肅

草肅肅穀中最細低頭熟拒軍新亭單車白服解一草肅肅應

天符掃清河洛平魏都夢乘青龍上天西行逐日驅解二草肅

肅宅南有一桑狀似華蓋張從兄告其弟此樹爲汝生兒家

舊塋何許華表忽作龍鳴解三草肅肅事須及熱今日權已握

亦有生齋集樂府卷一

五

遺悔不穿領軍腹解四草肅肅風被野使我十年臨天下上帝

謂我第十九子何復使朱雀橋南有長者解五

齊高帝紀王子年謂曰欲知其姓草肅肅云云帝拒王

休範于新亭單車白服嘗夢乘青龍上天西行逐日宅

南有桑嘗戲其下兄敬宗謂曰此樹爲汝生也舊塋在

武進華表忽作龍鳴王敬則勸帝卽位曰事須及熱蒼

梧欲害帝入鎮軍府時暑熱裸袒蒼梧立帝於室內晝

腹爲的將射之王天恩諫曰領軍腹大是佳射棚一箭

便死恐無復射帝每日使我十年臨天下當使黃金與

土同價崔靈夢天謂已曰肅道成是我第十九子袁粲

據石頭黃回通謀肅順之間難據朱雀橋回覘人還告

曰朱雀橋南一長者英威毅然回日順之也古詩不  
車轅折

泥滑滑車轅折脫作領軍毋忘今日布衣昆弟爲君王壘中  
早識蕭丹陽臣心既能盡君寵故特長傳家奕世光能耀西  
昌死忠侍中孝當官更有晉陵賢老婦銜悲民立廟蕭軍主  
小然蕭景先齊高從子武帝少年嘗與景先共車行泥路至  
大壘領軍府西門車轅折俱狼狽景先曰兩人脫作領軍毋  
止轍忘今日艱辛武帝踐阼詔拜領軍將軍沈攸之舉兵時  
正隨武帝鎮江州溢城景先乘城忽聞壘中有小兒呼蕭  
丹陽不絕永明中以景先尹丹陽苻璽中語藻梁西昌  
縣侯侯景之亂不食死勵吳平侯景子贈侍中以至孝  
亦有生齋集樂府卷一

六

聞昱普通中晉陵太守卒之日有婦夏氏年百餘歲悲  
泣不自勝百姓立廟建碑

### 五擲盧

五擲盧臣勿讓卿面方如田自具封侯相莫拊髀莫搔首丈  
夫處世富貴未可希三將五校何難之有揮涕斬回非矯情  
不然署事安賴有卿名君看故鄉載米來吳興

昌人李安人蘭陵人晉安王子助事平明帝大會勞諸軍主  
早擲樗蒲官賭安人五擲皆盧大帝驚曰卿面方如田封侯

將相也少有大志嘗歎曰大丈夫處世富貴不可希取三

將五校何難之有行南徐州事參軍王回素爲所親盜

絹二疋流涕斬之王敬則每謂曰署事有卿名我便不



復細覽也後官吳興於家載米往郡

須我歸

須我歸冠汝冠父言猶在耳父戍不復還思父言長飲泣不冠亦不婚去時八齡今七十梁溪水深九龍山高長安不見兒心長勞九龍山高梁谿水深劉兮薛兮千秋嗣音

華寶無錫人義熙末父戍長安寶八歲謂曰須我歸冠汝長安陷父死寶年七十不冠不婚明天順間建祠慧山并薛天生劉懷允祀焉天生以母遭喪菜食未免喪逝終身不食魚肉懷允十歲與弟懷則遭父喪終身不衣絮帛不食鹽豉

無礙殿

亦有生齋集樂府卷一

七

有文曰武生右手西邸招遊同八友伏龍在項帝者英牛車折角沾儉名三書三答稱頓首金字慧經不絕口無礙殿前受佛法金錢億萬贖菩薩贖菩薩歸臺城再呼荷荷遂無聲

梁武帝紀帝有文在右手曰武少與沈約輩爲八友沙門僧惲謂帝曰君項有伏龍非人臣也齊明猜忌帝解遣部曲乘折角小牛車齊明稱帝清儉帝於無礙殿受佛戒幸同泰寺設四部無遮大會羣臣以錢一億萬奉贖皇帝菩薩百辟詣寺東門奉表請還臨宸極三請乃許帝三答書並稱頓首帝升光嚴殿講金字三慧經及爲侯景困於臺城疾久口苦索蜜不得再曰荷荷遂崩

粟擲帝

梁擲帝囊擲琛動帝色悅帝心虎皮鞞桃枝杖斥憤王王氣  
喪酒數升書數寸扇一撝衣冠恨百僚散盡臺城空有人危  
坐宮坊中長安他日辭隋封

梁蕭琛嘗著虎皮鞞桃枝杖直造王儉坐儉與語大  
悅守吳興郡有項羽祠曰憤王甚靈於郡廳事安施神  
座琛至聞室中啞啞聲叱之遂撤去嘗與御筵帝取棗  
擲琛琛亦以栗擲帝帝色動琛曰陛下投臣以赤心臣  
敢不報以戰栗帝悅嘗言少壯三好音律書酒年長以  
來二事俱廢惟書不衰蕭子顯恃才傲物見九流賓客  
不與交言但舉扇一撝衣冠竊恨蕭允始事梁爲太子  
洗馬侯景陷臺城百僚奔散允獨整衣冠坐宮坊陳宣  
帝時爲光祿卿隋師濟江南士至長安者例受官允辭  
不受

### 七疋絹

七疋絹五石米輕舟去官抑何駛一甌粥活三千人楊梅不  
墮紅如雲紅雲飛秋風起葛衣練裙不庇體

梁任昉爲義興太守歲荒捐俸爲粥活三千餘人郡產  
楊梅採取多苛昉禁之及代去舟中有絹七疋米五石  
而已

### 卿有名

卿有名千聞不如一見卿酒酣上馬殺賊首蒼頭犀角皆如  
狗可憐年少身封侯眼看降幡出石頭哭拜吾君死無恨舊



厨乞食從容進摩訶摩訶爾勿哀瓊花玉樹皆蒿萊

陳蕭摩訶蘭陵人少有勇力齊兵入寇侯安都曰卿驍  
勇有名千聞不如一見及戰安都被圍摩訶直衝齊軍  
安都以免齊遣大將率衆十萬有蒼頭犀角大力之號  
吳明徹酌酒飲之飲訖馳馬衝齊軍西域胡善射擲銃  
錐中之殺十餘人齊師退後主入隋請曰一見舊主死  
無所恨入見俯伏號泣仍於舊厨乞食進之旋遇害

### 陳司徒

血漉漉書作經股片片剖作羹翦東陽平長白義兵來奸謀  
伏什惜哉凡絕人爭羨身後乃歸法興傳胡爲事煬不事文  
司徒况是陳宗人

亦有生齋集樂府卷一

九

陳杲仁仕陳爲監察御史未幾歸養母死刺血書孝經  
以志悲繼母病思牛炙適禁屠剖股作羹以進大業中  
奉詔平長白山及江甯義甯中與沈法興等翦東陽賊  
二十萬拜大司徒時稱其忠孝文武信義謀辨八絕煬  
帝被弑法興入毘陵陽起義兵陰欲據之懼杲仁不附  
已遂遇害

### 王闕寃

公祐擒子通走區區晉陵如反手章邱誅曹州縊紛紛路人  
多掩涕太湖之水空潏潏年年如訴王闕寃

隋王雄誕曹州人闕稜章邱人皆驍勇李子通取晉陵  
杜伏威令輔公祏擊子通以雄誕稜爲副公祐與子通

戰不勝雄誕獨提私卒夜往子通敗走太湖追斬之後  
公祐反患其異已猛殺雄誕公祐陷晉陵稜力戰克復  
及公祐擒又誣與已謀反遂死衆爲二人流涕

### 升御榻

升御榻呼郎不以名痛劾房魏何崢崢與亦李廢亦李八葉  
中書古無比榮名難保貴可求門第區區何足齒君不見乘  
輿夜走陳倉道冊召襄王辭屬稿板蕩忠臣疾風草

蕭瑀在隋爲河池郡守唐高祖招之挈郡歸武德元年  
遷內史令嘗引升御榻呼曰蕭郎瑀明辨不能容人短  
與房魏不平會元齡等小過痛劾之太宗賜詩曰疾風  
知勁草板蕩識忠臣遭擢咸通中進士王重榮之亂用  
亦有生齋集樂府卷一  
十一  
令孜逼帝幸陳倉朱玫欲立襄王煜召邁作冊邁辭玫  
恨之帝還宮孔璋搆之死自瑀至邁凡八葉宰相名德  
相望與唐興衰古未有也

### 謀舍人

謀舍人舍人后心腹不知東宮憐舊屬謀舍人舍人但迎后  
母欲殺臣兒勿可救君家祕監知幾早明詔徵之辭母老聞  
說罵人人不惱

劉禕之昆陵人武后時私與鳳閣舍人賈大隱曰后能

廢昏立明盍反政以安天下大隱表其言后怒賜死初

禕之得罪睿宗以舊屬申理之禕之曰太后威福由己

而帝營救是速吾死也隋祕書監劉子翼禕之父性剛



安直李百藥常稱劉四雖復罵人人終不恨貞觀元年徵  
傲之不至

### 蕭夫子

蕭夫子名高不可攀目無李林甫歸臥太室山漁陽鼙鼓聲  
振地匹馬行間上奇計飛書宣見石頭城不知永王但知帝  
蕭夫子海外思為師可憐青蓮謂猛虎何似凝碧池頭詩

蕭穎士開元中進士第一諸名士執弟子禮稱蕭夫子

宰相李林甫欲見之不詣祿山寵恣穎士憂亂託疾遊

非山太室山祿山反屢獻守禦計時不能用客金陵永王璘

召見拒之倭國嘗入朝自陳國人願得蕭夫子為師

### 非市名

亦有生齋集樂府卷一

十一

身長三尺詩有聲江南從事推李卿朝廷召錡錡不行令卿  
作疏卿不能以刃睨之顏不更錡誅莫更聞朝廷本激于義  
非市名

李紳亳州人居無錫為人短小工詩李錡鎮江南辟從

事錡寢不法數諫不聽朝廷遣使召錡錡不欲行脇使

者代奏稱疾令紳作疏紳陽怖不能為字下筆輒塗去

錡怒注以刃復然乃囚之錡誅或欲以聞謝曰本激于

義非市名也

### 手植檜

獨孤太守手植檜摩挲盡日長相對爾檜亦何知胡為令人  
愛風霜不蝕枝槎枒路塵羞殺河陽花

獨孤及大慙中常州刺史三年路不舉遷十月甘露降  
於庭樹卒之日行路痛哭手植三檜宋時猶存

一 釵酒

一釵酒五說詩菰葉脆鱸魚肥是里民不得隴非里民不得  
嘗彼何交陸與皮彼何心軒與羲  
魏璞蘭陵人雅與陸龜蒙皮日休善每秋風時乘短艇  
載一釵酒遊煙水間日休嘗稱璞是乎里民不得以師  
之非乎里民不得以嘗之後以釣船諸具貽璞著五賦

詩

樞密來

樞密來吾亦斬片言真被吳越膽君不見團練勇防禦仁團

亦有生齋集樂府卷一

三

練不降敵防禦不殺人偏安之際才超羣

柴克宏再用子吳越王宏傲遣吳程襲常州唐主以爲

右武衛將軍使救常州李徵古遣使召之克宏曰吾計

日破賊汝來召吾必奸人也命斬之使者曰愛李樞密

命來曰李樞密來吾亦斬之遂破吳越之兵解常州之

圍趙仁澤常州團練使吳越兵犯境被執見吳越王不

拜王怒抉其口至耳竟不屈張令鋒始仕後唐在周爲

常州防禦使性仁恕嘗曰我從軍三十年未嘗妄殺一

人

排闥諫

排闥諫大權一移國如綫淖齒李兌難將見先帝顧命陛下



與臣往而見甯實負君親嗟嗟送降降亦無益自古甯有不亡之國城下之恥既莫伸北歸之泣空逡巡臣當大政愿死報逆命之罪甘歸臣甘歸臣掣手去他時回首思臣言天上人間悔應暮

陳喬無錫人仕南唐元宗既失淮甸陳覺輩請委國事於宋齊邱喬排闥諫曰大權一移臣見渾齒李兌復作也乃止宋太祖召後主入朝喬曰往而見甯悔將何及宋師南伐後主命送降款曰自古甯有不亡之國哉降無益也宜城下一戰而死後主執喬手泣曰盍與我北歸掣手去入視事堂自縊死

### 胡公塘

亦有生齋集樂府卷一

三

老僧口持點金咒垂死丁甯欲相投甯不得金卹身後蒼黃請對東京危金人纔去元人來一家忠義千秋悲秋煙蒼蒼水瀾瀾胡公築塘亘百里宋室山河與終始

胡宿天聖二年進士知湖州築石塘百里捍水患民號胡公塘宿少與一僧善僧能化石瓦爲黃金臨終欲以術授宿使葬之曰後事當盡力他非所冀也唐老宿曾孫金人再犯京師唐老請對曰城危矣乞命范致虛爲宣府節制諸路不聽遂敗後死潰卒戚方等之亂應炎宿八世孫元兵至常殺敵甚衆與父聰兄應發俱遇害

### 焚諫草

寒疾不汗五日死志完不言絕交矣當時大事甯踰此勉大

事兒無憂汝能報國吾何求新州改竄衡州道萬里投荒歸  
已老遺恨一言焚諫草道鄉之忠豈偶全雖曰人事寧非天  
不然安得友能義親能賢

鄒浩武進人仁宗朝進士賢妃劉氏立浩友人田畫謂  
人曰志完不言可以絕交矣浩將論之密告王回回曰  
事寧有大於此者乎疏上章悖詆其狂妄削官羈管新  
州田畫迎諸塗浩出涕畫正色曰使志完隱默官京師  
遇寒疾不汗五日死矣豈獨嶺海之外能死人哉浩謝  
之徽宗立召還詢諫草安在對曰焚之矣蔡京用事使  
其黨爲僞疏言劉后殺卓氏而奪其子遂再謫衡州尋  
竄昭州初浩除諫官恐貽親憂欲固辭母張氏曰汝能  
亦有生齋集樂府卷一

報國吾顧何憂道鄉浩圃名

### 蜀山歎

蜀山復蜀山魂飛湯火憐生還得志奸逆詐語平生知己乃  
在能文女衡門有子誇璠璣才或可稱忠不如浪傳顯子寧  
非誣君不見買田無成居未卜四海一椽艱託足公死也嘆  
生也蜀顧塘何榮配紗縠

蘇軾嘉祐進士以草呂惠卿謫官制坐謗訕安置惠州  
遇赦還卜居陽羨邑有山似蜀故名蜀山軾獄中詩有  
魂飛湯火命如雞句朱熹云若使蘇軾得志其奸甚於  
安石胡淑修宿女慈聖光獻后稱爲能文女適李之儀  
之儀從軾中山之辟淑修曰蘇公名重一時讀其書有



殺身成仁之意宜善事之孫觀武進人觀幼時見賦命  
對曰衡門稚子璠璣器覲對云云俗傳爲軾外子故郡  
有觀子顯子諸蹟蓋誣也軾嘗欲卜居常州買田陽羨  
自海外歸幸於郡城顧塘橋孫氏

### 毀黨碑

毀黨碑公論違羣奸司馬不可誣誣公實誣天毀黨碑掛冠  
遂初志昔歸而今往出處抑何戾頽波植立今何人受學豈  
慚安定門當時邵公亦人傑不知安石知君實

陳敏無錫人受業胡安國諸蔡用事斥司馬光諸賢爲  
奸黨令郡國立石敏守天台曰誣司馬公是誣天也卒  
立石敏碎之掛冠歸大觀中有以敏薦者曰昔歸今往

亦有生齋集樂府卷一

五

出處何戾耶弗就邵材宜與人司馬光論新法之害安  
石語材劾光曰君實正人可厚誣乎卽日自劾歸

### 綱安否

金兵一夜河北張上皇東幸何蒼黃舉朝盡勸翠華避赤手  
孤臣挽龍轡扼河津據上流斫敵營何無謀縛綱謝罪計誠  
左人苟有心皆不可上皇車駕還自東孤臣迎拜龍德宮明  
年天子下殿走援兵入都都失守兩河淪陷關輔空中原萬  
里戰血紅君王只戀山水樂有夢不與穹廬通獨有臣心血  
一斗社稷安危以身負君不見臨安使者北至燕燕人頻問

### 綱安否

李綱無錫人金兵渡河徽宗東幸宰執議請暫避敵鋒

網泣諫上感悟輟行綱以金人兇悖非用師不可若扼  
河津絕饜道俟其食盡半渡擊之必勝之計也上以爲  
然姚平仲勇而寡謀先期率步騎夜斫敵營不克宰相  
李邦彥請縛綱謝罪金使以爲不可太學生陳東上書  
請畱軍民不期而集徽宗還綱迎拜龍德宮金兵再至  
上悞和議之非召綱綱率師入援未至都城失守矣綱  
負天下之望每宋使至燕必問李綱趙鼎安否

### 斷兒手

斷兒手血不出乞食歸長繞膝斷兒手置杖頭市人哀母食  
周斷兒手爲不孝義士誰有孫浩斷兒手爲母存母旣死安  
敢生升

亦有生齋集樂府卷一

夫

許九無錫人淳化間饑乞食養母人厭其數斥之九晝  
風連夜悲因斷手以取信血不出人以爲異遂置手杖頭入  
滄州市市人哀之咸餽食進士孫浩聞於邑令令以毀體爲  
不孝逐之浩畱養於家母卒漆其手與母俱死

### 岳韓勳

岳韓勳蓋天地一隅不獲安乃邀兩軍至金沙禪寺空畱題  
赤心更織劉家旗歲時伏臘卹翁思

岳飛建炎中兀朮攻常州飛提兵督救先後與金人四  
戰皆捷嘗至金沙禪寺畱題壁間後人思之圖像祀焉  
韓世忠防禦江陰有功劉晏入遼舉進士後歸宋織赤  
心報國字於旗江寇犯常晏率精銳破之郡人德其賜



立祀祀

還手詔

祖有功宗有德廟制所關臣敢默予爲祖父爲宗在天之靈  
恐怨恫至尊忽省重華宮天顏有喜臣呼嵩遺奏拳拳勸勤  
孝不見黃門繳手詔

尤表無錫人高宗崩定廟號洪邁請號世祖表奏曰祖  
有功宗有德廟制一定萬世不易太上爲徽宗子將來  
祔廟在徽宗下子爲祖父爲宗恐在天之靈不安乃止  
上久不省重華宮極諫乃出中外歡呼韓侂胄以武功  
大夫和州防禦使直轉橫行表繳奏黃門耶律骨黑以  
手詔除承宣使堅持不行遺奏勸上孝事兩宮勤康熙

亦有生齋集樂府卷一

七

政古

千金書

千金書萬口傳袁州一去何時還

吳師古宜興人秦檜主和議胡銓抗疏坐貶師古銓胡  
疏以傳金人募其書千金爲人所訐流袁州

遺愛坊

錫兮無城漸兮錫城戢戢者坊遺愛以名阮孚拒元許兮死  
元滔滔者流忠義以傳

邠漸建炎初士卒橫掠郡縣將至無錫邑故無城堞甲  
兵爲守戰具漸爲令盡其家所有致賊李季言承漸意  
往諭曰苟全此邑死不恨賊感歎去子孫畱居邑城有

遺愛坊阮應得德祐初元兵至無錫軍沒赴水死許晉  
江陰人至正間紅巾陷江陰與子如璋俱戰沒  
兩巡檢  
兩巡檢官卑志不汙前有梅嶺邨後有馬馱沙

方允武宜興巡檢建炎初金人入邑率土軍戰頗有殺  
獲旋戰沒於梅嶺邨陳楚良馬馱沙巡檢至正末遭兵  
抗罵死

### 道學解

道學解言者喜喜不喜緘口矣北伐議君盍同同不同宜有  
功貶宗卿罷元德相者誰爲鬼賊

李祥字元德無錫人趙汝愚以韓侂胄喉言者劾去祥

亦有生齋集樂府卷一

丈

力爭之除湖南運副言者劾罷之大學士楊宏中等上  
書固留俱得罪言者喜曰道學解散矣巨宥字宗卿江  
陰人主恢復侂胄出北伐議示宥知宥主復仇可共功  
名也宥不可後亦爲侂胄喉臺官劾罷

### 雙刀王

雙刀王銳莫當欲求姓名易耳我守合州節度子可憐尹  
寧都自誓無生還不辱丞相命但媿華與全又何問二子官

### 二頃田

王安節節度堅子善用雙刀人呼雙刀王德祐初元兵  
攻常力戰被執有求其姓名者呼曰我守合州王堅子  
也不屈遇害尹玉寧都人文天祥起兵勤王玉從之常



州被圍調玉同張全朱華來援全等先遁玉殊死鬪人馬斃田間無一降者事聞贈濠州團練使官其二子賜田二頃

### 悲姚公

朝運土莫殺人運土築爲壘殺人燒作薪兵殘食盡援軍斷紙餅充孟不能爨使君慷慨殉孤陣血裏兩拳空巷戰感君忠義爲君傷數十萬人無一降嗚呼宋亡公不亡

姚訔宜興人德祐乙亥元兵圍常州守趙興鑑遁訔與陳炤等謀起兵復之事聞命知州事伯顏至與劉師勇等固守伯顏怒命降人運土爲壘併人築之且殺人煎油作炮日夜夾攻守益堅尹玉等來援軍覆援絕食遂亦有生齋集樂府卷一  
九  
盡書截紙縷置孟若湯餅狀示敵城陷巷戰力竭縱火自焚死州人感訔忠義無一人降者

### 非死所

孤城空空濠水阻手提短刀張目語去此一步非死所父死義兒乞軍衣冠不改柴桑民豎降魔旗讀老子末世英雄到鄉里萬安僧徐道士

陳炤武進人元兵攻常州姚訔以爲通判伯顏自將圍城兵阻濠水爲陣城破巷戰家人請走曰去此一步非死所矣炤率兵時子應龍出家背犒軍乞援於文天祥宋亡杜門衣冠不改時萬安僧起兵舉義旗曰降魔亦戰死徐道明天慶觀道士元兵屠城道明危坐焚香讀

老子書命之拜不屈遇害

眇一目

眇一目君亡臣敢辱生昧擇君死足贖嚼斷罵賊不勸酒彼胡爲者倡家婦青衣淚落尊前歌朱兮全兮奈爾何

陳祖仁至正初進士第一順帝北遁有勸之南歸者曰祖仁生平自恨不能擇君今日又不能死何以立於天地之間遂死之祖仁身短眇一目議論偉然徐婦倡也至正間常州陷見獲寇命佐酒憤晉不從竟刺殺之

龜巢篇

白鶴溪上白鶴鳴龜山死後龜巢生龜巢生吾道白三近齋寄窩客山居十載起禦倭道德政事寧分科建昌尙有薛通

亦有生齋集樂府卷一

三

判太常忘入儒林傳

白鶴謝應芳至正初隱白鶴溪構小室曰龜巢因爲號傷

世俗怵於異端以正人心息邪說爲務毛憲正德間官給事中上所上封事切中時弊嘗自謂檢制二十餘年褊

性不能盡除名其居曰三近齋唐順之嘉靖進士宗濂洛之學以言事歸卜築陽羨山十餘年以趙文華薦歷

官淮揚巡撫禦倭甚力薛應旂嘉靖中官吏部郎嚴嵩屬以私人應旂不聽謫建昌通判順之子鶴徵官太常

修邑乘以應旂入文學錢一本萬歷進士以言事削籍

與東林講學卒前數日豫營兆域作寄窩逋客詩

徐大師



徐大師爲人勇敢膽如斗知有殺賊不知佛性慈忠爲民師  
爲友夜入重圍奪忠走區區官祿胡爲乎掉頭長謝歸江湖  
佛還佛吾還吾

元僧臻俗姓徐羣呼爲徐大師有張忠者家富任俠臻  
與爲刎頸交賊寇馬洲忠父子殺賊甚衆忠收被擒子  
戰死臻夜操利斧入賊營斬賊六人挽忠歸忠妻孥羅  
拜酬以金帛不受聞於官欲廢爵祿辭去仍還山誦佛

### 清闕閣

清闕閣中桐不死喚起雲煙潑素紙金錢百萬忽一擲早識  
蒼生多事矣遊三泖泛五湖茶竈筆牀廿載餘異香縷縷蘆  
中馥死無一言開口俗不臣朱氏不臣張誰其匹者梧溪王

### 亦有生齋集樂府卷一

王

倪瓚無錫人所居有清闕閣善畫家故饒於資一日棄  
去曰天下自此多事矣張士誠弟士信致厚幣冀得一  
畫裂而返之一日遊湖中間異香從蘆中出蹟之瓚也  
榜掠幾死終無一言人問之曰開口便俗亂平還里隱  
居不仕王逢號梧溪子士誠開藩辟士不受辟洪武中  
郡縣交薦皆辭

### 焦先生

焦先生家虞門先生何爲者明祖之故人故人作天子先生  
臥不起故人徵書急先生閉不納金陵王氣乘兵氣先生犯  
之直兒戲黃雞濁酒平生歡飲酣更把真龍臂不願玉不願

金區區角帶寧其心白雲一去山深深

焦先生家江陰之虞門里明太祖之故人也洪武初徵求甚急恐爲有司累聞之金陵持雞酒從甬道入與太祖班坐飲如微時贈以金玉角三帶取角者除千戶挂冠去不知所之

帽擲地

君休言吾熟計誠如君言君作使片言排難誠福人匆匆夜半叩郭門從來成事鮮兩濟不死何顏見九四將軍之帽悔擲地

張翼無錫人徐達破姑蘇遣胡廷瑞征無錫吳將莫天祐固守達怒曰不下屠其城翼和往見天祐曰將軍爲張氏也今張氏已就縛矣一城生死只在今夕願熟慮

亦有生齋集樂府卷一

三

天祐沉思久擲帽於地曰誠如君言翼告廷瑞廷瑞喜曰君誠福人城不受兵矣遂命翼還叩城呼曰急開吾事濟矣天祐開門出降

築城行

危城四十里地廓力不支湯侯築三面斂彼東南西軍聲特角連吳耿生聚十年復煙井九四雄心不敢逞

湯和洪武初克常州奉命鎮守先是常城圍凡四十里

大而難守和斂其東西南三面築之十里而隘時常州

兵燹蕭條人無固志和在郡積十餘年善撫士卒輯和

民人與江陰吳良長興耿炳文聯絡聲勢三吳悉定以

常州爲之根本也



陸郎怨

天關九重浮雲蔽之豺狼當道誰其食之臣身如葉寧惜微軀君心如月盍鑒區區君明不察臣節自效死無足傷媿無以報維彼寡鵠實生孤雛妻兮子兮併命黃墟歌聲哀哀物傷其類明哲保身成功者退

陸士龍無錫人洪武中抗疏發胡惟庸奸狀忤旨見殺妻及子皆死之劉基爲作忠節孝三歌

刼降哀

汝欲我降我必死地下相從王學士

吳雲宜興人洪武中元梁王尙據雲南遣雲往諭刼降

不屈死與王禕並祀

亦有生齋集樂府卷一

三

子 昶

校字

姪 學 彭

亦有生齋集樂府卷第一

亦有生齋集樂府卷第二

武進 趙懷玉 億孫

雲溪樂府

舟中泣

少小事讀書慷慨慕孤忠平原與信國彼亦與人同解一長來

世多故與妻同負母竄身戍卒中輾轉憐八口解二仰天雙淚

落義在道不為抗節追首陽淚枯心亦悲解三心悲亦何及還

掩舟中泣身賤已莫辭庶幾能自立解四物生各有匹雁鳴一

何孤章皇山澤中欲哭恐傷姑解五青青澗邊草織席顏色好

願織千萬絲奉姑以終老解六

儲福無錫人洪武初隸燕山衛籍嘗讀書慕顏真卿文

亦有生齋集樂府卷二

天祥之為人建文末挈母韓妻范逃去文皇卽位購成

卒入伍福在錄中哭曰吾雖賤卒義不為叛逆臣在舟

中日夜泣竟不食死妻年二十奉姑孝每哭夫則走山

谷中大號不欲姑聞之也貧無以存一日澗邊浣濯見

旁有席草因織以養姑范卒草不復生

訪邈邇

訪邈邇何茫茫仙人豈願為帝王瑤池賜宴歸日景四海無

虞卿等力厯事六朝頌耆德堂開壽愷歌雍雍桑榆暮景填

篋中回頭舊夢憐孤忠補鍋匠人賣腐翁

胡溪武進人建文中給事永樂遣濊以訪仙人張邈邇

為名偵建文所在以無他虞為報宣德中嘗曲宴潑楊



士奇寔義夏元吉曰海內無虞卿等力也歷事大朝垂六十年及歸三弟年皆七十餘燕聚一堂名其堂曰壽愷黃直常州人遷國從亡爲人補鍋方孝孺被禍時門人某突入攫其幼子以去書一方字于衫上置常州府橋前有賣腐金翁晨起得之撫爲子

### 雙烈歎

水滔滔莫升屋水可洗心寧葬江魚腹火炎炎莫出門火雖滅體寧爲玉石焚水殍火殍身不死長作青燐繞江埃英皇伯姬千秋書胡爲古烈今不如

成氏尤輔妻成化間從韃靼江江水夜至家人蒼黃升屋成整衣欲上問爾輩衣耶衆謝卒未暇成曰安有男女裸形相向而可俱生者卒不動倉橋俞氏火至寢主婦求衣不得立門內一僕欲冒死救婦曰寧死耳豈可裸而出

### 撰樂章

撰樂章章一撰聖德傷傳內旨旨一傳倖門啟救龐劉重言官爲國謀薦謝李重相業爲國體

徐溥宜興人宏治間令內閣撰三清樂章溥疏言不可李華罷忽傳旨復官溥言上卽位別無內降若傳旨一行倖門遂啟劉遜忤岷王奏逮詔獄龐泮劉紳論救上怒槩之溥言言官爲國盡忠得釋嘗薦謝李入閣六卿多得其人

尹蓬頭

朝蓬頭爲進士暮蓬頭爲道士少蓬頭見理宗老蓬頭見武宗

尹蓬頭宏正間遊毘陵所攜有米度牒云理宗時人尹從龍也嘗舉進士得道爲仙武宗南巡江彬就見尹正

言責之

避蝗歌

有蝗如蜂見之則去有藩如虎迫之則拒有闢如蠶螫之不

顧

邵寶無錫人知許州境內有蝗至則避去提學江西宸

濠索題詠邵之濠敗勘理書札獨無片紙劉瑾用事怒

亦有生齋集樂府卷二

三

平江伯陳熊饋寶千金玉帶俾劾熊不納瑾怒李東陽

力解勒令致仕

孝友贊

昔張公同九世今張公不再祀我心非不古彼衆非古人不爲吾儕慮但爲諸子分我聞此語再三歎骨肉睚眦動成變誰誦胡琛孝友贊

張倫宜興人兄弟同居倫與季弟新各一子仲亨四子

倫謂二弟曰吾老矣子六人又婦六人恐心不一析資

爲六亭曰兄弟三當三分之倫曰諸子皆子爲諸子分

也浙人胡琛有孝友贊

三虎引



黃明甫貢安甫有史君號三虎三虎當殿同一噤噤聲直入  
天閭高天閭不省人間事羣小縱橫爭肆志囊頭拜杖血染  
衣竟許生還亦天意還勿喜喜節伸三虎歸臥江之濱足跡  
不侵城市塵

黃昭字明甫劉瑾擅權昭抗節自守瑾怒罷之貢安甫  
字克仁忤瑾發鎮撫司拷掠無數廷杖三十發編戶歸  
不入城市史良佐字禹臣與貢等劾瑾前後命內臣監  
杖杖九十不死三人皆江陰人同在正德黨籍朝紳贈  
詩有三虎殿前聲正烈之句

侍卧起

侍卧起何弗從病而入夢誠感通六飛還宮穢厥克太醫與

亦有生齋集樂府卷一

四

有社稷功君不見徐家兄弟行柝獨元象況知遭土木雲山  
術以死後神佛手先傾金伯玉

吳傑武進人善醫正德中積官至太醫院使時侍帝卧  
起以諫失上意南巡未從及還清浦溺而病夢見傑亟  
召之江彬懼帝不諱且見詠勸幸宣府傑語彬無恙陰  
促大奄請還帝得崩大內彬伏誅傑有力焉徐氏兄弟  
述迪選俱神於醫以孝義著述知天文正統初曰不越  
三年萬乘其蒙塵乎當在己巳劉朝字號雲山湖廣江  
陵人萬歷間流寓常州歿後曾療杭州巨室子病邑人  
以爲神有畫像流傳金鉉贊之曰佛手儒醫

戍遠行

寧騎馬過梓宮莫得罪太監忠太監之怒不已遣戍遼陽千  
里臣心自矢靡他臣力猶能荷戈荷戈不敢偷閒不離伍者  
卅年

黃正色無錫人嘉靖中巨璫鮑忠等護章聖梓宮葬承  
天怙寵黷貨正色劾之忠等誣正色于梓宮前騎馬張  
扇遂成遼因囚服荷戈不離伍者三十年臺使葺書院  
居之司馬郎爲乞假皆弗從

### 彗星現

彗星昨夜當空掃朝襄交章劾元老編修不管丞相嗔萬古  
綱常疏先草拜君杖身幸存以布曳出長安門有人猶道忘  
師恩忘師何似忘其親

### 亦有生齋集樂府卷二

### 五

吳中行隆慶中編修張居正中行座主也以父喪奪情  
適彗星見詔百官修省首上疏劾之中有萬古綱常云  
云疏入廷杖杖畢校尉以布曳出長安門

### 活一命

千金可得活一命幕府重君一言必聽胡爲別久猶老儒相  
公重君一見何如君何不爲休辱我罷畫溪深放歸舸

王升宜興人胡宗憲延入幕府有失律者宗憲陰遣客  
邵生諭意曰子爲一言千金可得且活一命不可後邵

生在新鄭帷中見升曰別久猶然老儒耶相君欲重用

子一見何如亦不應張居正柄國托艾道恩道意曰行

典制勅矣升曰君何不自爲之曰吾固不可曰君不可



而我可耶旋挂冠歸  
其一揖出

一指出故緩行近日處分何太明分宜纔罷江陵相落落誰憐直無狀

萬士和宜興人張居正當國給事余懋學坐直言視職士和謁張度必有言一指徑出故緩行因語張曰近日

處分得無太甚張變色謝病歸士和自巖嵩至居正凡歷四相無不以隙終

### 應筆架

應筆架膝下豈有金區區拜跪亦細事氣節之壞關人心同時尚有符青菜罷官畱得甘棠愛南京考功後日悔

亦有生齋集樂府卷二

六

應筆架知常州御史行部郡守進見必長跪檮獨據憲綱

長揖一日與蘇松二府同謁檮適中立如筆架山御史曰公膝下有金乎曰腰間有金耳御史笑曰非應檮乃

筆架也人稱應筆架符驗知常州常供以蔬人呼符青菜郡人薛應旂官南考功主察爲姦人所給坐不及調

後知驗賢悔且惜焉

### 拒倭行

倭兵至兮誰支行年七十兮義不敢辭不敢辭兮吾力猶健追奔逐北兮堅請往戰雲冥冥兮蔣山之野寶刀折兮爰喪其馬吾身有鎚兮賊奈我何縈結不解兮將安所施

徐槐宜興人殘倭擾縣境槐年七十堅請追逐遇于蔣

山適捕官馬踏代以己馬抗力步戰殺傷數人倭磨至  
槐刀又折急取所佩流星鎗纏結不解遂被殺

### 進鷺哀

兒欲進鷺兒實不知謂兒有心兒亦無辭解一兒欲進鷺兒實

不見謂兒無心兒又何辨解二兒身有罪何以事姑兒身有妹

可以妻夫解三爲語吾妹勿效而姊妹而能婦姊如不死解四

王紹妻錢氏事姑孝母餉以烹鷺菜覆其上分菜奉姑

雖生復見鷺急欲補奉而姑適至氏愧奔告母曰進菜遺鷺

王吳倉卒失悞罪可辭乎我必死然姑待我厚必以喪婦爲

願賊願以妹妻夫遂自縊母哀其志以次女續焉

### 望城泣

亦有生齋集樂府卷二

七

望城泣城啟門睢陽是何人願以死報民千人突圍時不利

馬陷寇乘亦天意雷轟雨激鬼晝啼萬姓慘呼聲震地吁嗟

王兵備胡不如裕成彼爲南八死此作賀蘭生振臂彎弓射

賊去技不至此蓋神助不見當年曹主簿

錢錞令江陰倭入寇屠戮甚慘鄉民避寇者望城櫓而

泣盡納之數請戰土崇古不許錞憤甚曰睢陽是何人

吾願以死報民耳與楊成陳裕同遇害時天大雷雨百

姓爲位以哭曹廷慧江陰主簿禦倭有功射賊如神

### 寡人子

君家三世柱下史奈何女嫁寡人子寡人乃作第一人獨持

大體能批鱗莫笑貧貧亦偶嚴家一鵬旣貴後囊錢市脯簪



活酒

孫繼阜無錫人家貧有曹鴻臚者欲妻以女人謂曹君家三世柱下史而欲女嫁于一窶人子乎曹不聽後爲萬曆進士第一爲御史無所避諱嚴一鵬亦無錫人授行人使藩府假道歸母脫簪沽酒一鵬探囊中得三十錢市脯佐之爲御史有聲

舞鏡簡

舞鏡簡不轉眼怨鬼啾啾燭光短舞鏡簡嗚不平孤兒奪鬻追杵嬰吳聲如雷震山谷十萬民隨裕州牧區區餅與韭可奉高陽孫但知廉吏樂不知冢宰尊明年前星芒欲墮衷甲相從同起臥鏡簡功臣一個

亦有生齋集樂府卷二

八

沈應奎武進人萬曆舉人少負氣節偕鄉里少年游置

鏡簡自隨意有不平執簡起舞妻父邵芳布衣入長安謀起高拱張居正怒假他事殺之復欲殺其兩孤應奎偕諸少年絕牆入奪歸知裕州邑旱民乏食嘯聚山曠間十餘萬應奎單騎入壘曰能從裕州牧歸乎衆感悟哭聲震林谷悉解去孫丕揚過裕不遣一使迎孫怒突入署方焙餅炙韭遂邀孫共食之擢主事上不豫福王求之國中外洵洵應奎請首輔葉向高入直衷甲從之誓以死衛太子帝廖乃出

諱父名

諱父名父名不可諱諱學猶諱忠鬼神難欺疾難禱抗疏直

許三王封太倉相公居要路一言不投削籍去去北闕歸東林君家難弟真同心可憐先生憂社稷黨人身後遭羅織羅織成門戶起流禍卅年猶未已君不見明朝忠義收天崇至今猶說東林功

顧憲成無錫人父學少讀諱辨遇父名輒諱之然不可勝諱父以韓安王語子事告之且曰學之不可忘猶忠也張居正病朝士羣禱於神同官私署其名憲成手削之會詔有三王並封之議憲成抗疏言不可者九忤王錫爵歸與弟允成講學東林書院

黜賓尹

擒盜如擒雞杖僧如杖兒急請藩封端國本袖中一單黜賓

亦有生齋集樂府卷二

九

尹黜賓尹排姦人唯鑽有稅關生民君不見父老潯陽奠羊酒放關之事何時有

湯北京宜興人豐城有巨盜劫掠北京密擒之僧達觀居京師公卿多膜拜北京爲御史執而杖之繫獄死力請福王之國羣小欲推湯賓尹入閣北京袖出一單列賓尹罪狀曰賓尹不黜誰當黜者疏論鑽稅語甚切李守俊亦宜興人權九江未及期度無虧課則放關及卒櫬過潯陽父老相率攜羊酒泣奠曰放關一事目中不可復覩矣

投園池

大臣受辱則辱國北面叩頭從正則一生學力報諸子僕得



從遊李元禮淋漓血肉悲朝紳存順沒寧公一人公一人得死所園池之水流終古

高攀龍無錫人緹騎至吳門先一夕投園池死遺表曰臣雖削奪舊係大臣大臣受辱則辱國故北面叩頭從屈平之遺則別友書云僕得從李元禮范孟博遊矣一生學問至此亦稍得力諸子云云

夢虎飛

夢虎飛飛天門生兒手足皆麟文生平好言天下事今入臺端畢吾志立朝四十年身經四皇帝知無不言關大計君家長君死何酷刀斫滿身桎兩足黨魁更喜聚一門點將蝗螻先後錄

亦有生齋集樂府卷二

陳于廷宜興人父一經母雷氏方姪夢虎飛天門生而手足結毛成麟文嘗告人曰于廷生平好言大事官御史時則其職也前後抗言有直無曲子貞達流賊陷燕京死國難甚慘貞慧有高行天啟間馮銓作點將錄楊左外于廷爲之魁崇正末阮大鍼作蝗螻錄貞慧爲之魁

持血衣

持血衣不敢哭有淚時時背人落持血衣向官廷大鑾今日始得明封章三上上心動宮妾宦官朝局送

何士晉宜興人父爲人毆死繼母吳氏匿之外家緝緝課子藏其父之血衣讀書暇輒示之既貴持衣庭質仇

人服辜張差挺擊事疏三上上心動咎鄭貴妃後以魏忠賢矯詔削籍

### 才子寃

汝係江南一才子何與楊漣同計此爲皇上謀不悔死才子死朝班空十指墮落兩袖中可憐西溪性如火臺山相公呼殺我

繆昌期江陰人下鎮撫司獄時許顯純叱曰你係江南

第一才子何與楊漣同謀曰爲皇上謀爲二祖十宗謀

死無悔也死之狀甚秘十指墮落兩袖中方漣疏之上

也外廷倚葉向高爲助向高言于內閣曰此豎在君側

小心一旦去之不易得昌期勃然曰爲此言者可斬也

亦有生齋集樂府卷二

十一

向高色變號于人曰西溪殺我西溪昌期號也

### 長跪求

月黑黑更緩緩長跪求求不轉曹家崔家意相洽欲擊東林

先護法山林席地猶相煎檻車一出人如山大呼二祖列宗

死地下還從六君子朱家高義輕千金有兒親裏無名指

李應昇江陰人高攀龍劾崔呈秀疏實出應昇手呈秀

暮夜候謁長跪求解不從主事曹欽程以前隙迎合呈

秀意劾之畧曰應昇專爲東林護法云云魏大中被逮

應昇與攀龍書有山林席地恐復相煎之語及被逮送

者萬計拷掠甚慘呼二祖列宗而死吳縣朱鳳翔與應

昇父交破產尾舟北上百計爲之應昇斃獄中三日始



出惟無名指甲相似兄應灵性孝友扶藪徒步歸命士

曾公堤

曾公堤水東逝行入下車談往事今日恤孫昨日恤李餘子  
祿祿視如犬豕貂璫毒餒熏天紅紛紛昭德兼崇功毘陵獨  
免寧非公呼嗟乎毘陵獨免寧非公

曾櫻天啟三年守郡時魏璫焰張甚江陰繆昌期李應  
昇先後被逮悉護持賜贈孫慎行遣戍寧夏故緩其期  
璫敗得免有請建魏璫生祠櫻袖其詞火之城東塘岸  
圯民甚病之捐俸築堤十五里民德之曰曾公堤

賣蔗童

黃頭尉澄江來蘭陵驛蕭鼓催胡爲奪我好人去喧聲倒沸

亦有生齋集樂府卷二

三

如崩雷兒無知衆休訝磨刀霍霍向市中兒力猶能切如蔗  
童兮童兮豈爲名五人墓前松柏青

天啟間江陰李應昇被逮常郡西察院開讀士民觀者  
數萬有男子十輩挾短棍大呼殺魏忠賢校尉喧聲震  
天一賣蔗童子十餘歲撫髀曰我恨極殺我江南無數  
好人遂拉一肥校尉舉蔗刀斲其肉擲狗啖之曾櫻彌  
縫其事姓名逸不傳

吳公歌

謂爾亡命毋自苦吳公不聽食鹽滷謂爾僮客毋太豪于今  
我得免生燒生燒鹽滷猶自可吳公去兮愁殺我

吳士貞宜興人令上虞俗無賴多服鹽滷自斃圖命士

貞出教以齒死者不受牒又豪家欺奪小民威劫立契  
率僮客掠其室謂之生燒士貞寘之法民歌云云

### 峯陽寃

舉朝盡醉烏程酒紛紛反喉如狐狗竹篋參話本無心遂使  
爰書成杖母黃漳海劉戡山衆惡必察迴狂瀾四將軍許中  
翰殺人自殺君不見兒罪誠欲明親過不忍白吞聲向西市  
兒死不足惜吁嗟乎黃芝歌聲未終海寶言曷不從峯陽寃  
寃無窮

鄭鄭號峯陽武進人少從東林講學疏劾魏璫忤溫體  
仁六君子下詔獄生黃芝六英郎作黃芝歌幾不測初  
鄭父振先有寵妾懼不安于室遂假乩言使鄭爲母受

亦有生齋集樂府卷二

三

戒至是體仁曠同郡中書許曦誣許其杖母事鄭懼顯  
親過以至於死劉宗周黃道周皆上疏論救四將軍鄭  
弟也黨阿曦証兄罪海寶無錫人天寧寺僧示寂之日  
鄭至謂曰莫多言汝勿做官做箇圓圖人好後果雇極  
刑金日升頌天臚筆曰鄭丁外艱辦踊幾絕日侍太夫  
人側不復一通貴游人可知矣

### 登崑崙

登崑崙金塔見兩戒山河蹤跡徧不治裝不裹糧終攜僧骨  
瘞道場遠游心動母嚙指萬里歸來送親死故人下獄亟遣  
子太息沈寃遂不起吁嗟乎一編游記古所無但以游論猶

其巖



徐宏祖江陰人好游所攜僅一杖一襪被能忍飢數日  
徒步行數百里上華山心動輒歸則母正屬疾母死免  
喪益放志遠游僧靜聞欲從至雞足禮迦葉道場遇盜  
靜聞被創死宏祖函其骨以行卒瘞骨於迦葉道場與  
黃道周善病中聞道周下獄遣其子問關往視歸述寃  
繫狀浩歎不食卒所著有游記十二卷

### 歲朝揖

先小人後君子公若改絃易耳死者贈官生者起先君子  
後小人諸賢紛遂公勿聞有酒不識通州軍河南殘毀楚蜀  
破公在中書猶醉臥召虎裴度空相期滿朝獨用吳昌時誰  
負公公勿懾朕以天下聽先生曾記當年歲朝揖

### 亦有生齋集樂府卷二十

商

周延儒宜興人與溫體仁有隙引疾歸門人張溥等說  
之曰公若再相易前轍可重得賢聲延儒慨然自任既  
入朝起劉宗周范景文等于廢籍贈已故文震孟等官  
中外稱賢後用吳昌時熊開元姜燾輩劾之俱下獄  
大兵至近畿延儒不得已請視師帝大喜以召虎裴度  
獎之延儒駐通州不敢戰唯與幕下客飲酒娛樂而日  
騰章奏捷初帝尊禮延儒特重嘗于歲首日東向揖之  
曰朕以天下聽先生

### 鉅鹿戰

將軍出營四面拜九死不辭臣力懣金愁鼓慘神鬼哭將軍  
大呼戰鉅鹿戰鉅鹿何慨慷從死誰有顧楊可憐尙方劍三

賜有頸不將賊臣試麻衣裹血見高皇從此中原無靜地  
地難復天難回桃溪湄隱安在哉侯生侯生空報主壯士紛紛  
淚如雨至今猶說俞貂鼠

盧象昇宜興人方象昇與我兵將戰于鉅鹿也自誓必  
死晨出帳四面拜曰吾與將士同受國恩患不得死不  
患不得生衆泣不能仰視及戰死機部楊廷麟得其屍  
于戰場象昇奪情視事麻衣猶被體百姓奔走號拜除  
地立祠象昇三賜尙方劍未嘗戮一偏裨卒爲楊嗣昌  
所沮而歿嘗言功成後當築酒隱園于桃溪以老竟不  
遂侯宏文散家財募軍象昇題授監紀爲奸謀陷遣戍  
象昇之盡節也嗣昌遣卒偵之有俞振龍者述死事尤  
悉嗣昌怒箠楚三日夜令吐實終不易遂斃振龍以貶  
貂爲業故人稱俞貂鼠云

醜酒誓

醜酒誓湘江濟誓挈湖南一塊土賊烽夜逼藩王宮有血灑  
徧平蕪紅乾坤陰陰慘黃霧老僧猶認遺骸處昔年舊夢今  
回頭一朝忠義君家收弟兄亦有如薰蕕

劉熙祚武進人崇禎間按楚楚事已大壞醜酒誓江曰  
所不挈湖南一塊土還朝廷有如此水屢戰告捷賊寇  
長沙力盡被執獻忠踞桂王宮叱令跪不屈遇害甚慘  
子晉藩徒步入楚求遺骸不得僧月海指以瘞首處方  
熙祚被害時天忽霧霽其屍僧吳之私函其首埋焉弟



永祚亦死王事少嘗夢神謂其兄弟一代忠臣云

殉城誓

全家數十口殉城無二心士卒聽吾誓灑淚沾袍襟敵樓夜坐星斗黑衆睡不驚流矢急平明馬跡何縱橫賊騎已過高州城

任允瀆宜興人崇禎間攝望江縣時賊號數十萬衆謂宜遣家避允瀆誓衆曰我全家數十口願殉此城有二心者死無赦士民感泣嘗夜坐敵樓有流矢至衆熟睡允瀆于睥睨中放一銃內外無聲比曉城外馬跡蹂躪蓋賊啣枚襲城知有備而去

百里歌

亦有生齋集樂府卷二

六

百里百里傷弓折矢欲仆而生寧挺而死

陳震亭字百里江陰人天啟武進士流氛集泗陵以都指揮調守力戰殺賊無算矢盡被執罵賊斷舌而死死時僵立不仆

爲誰守

汝爲誰守默不應太守臨危若禪定縣官一言免重慶民何辜身弗辱趙家總兵感恩哭

王行儉宜興人知重慶張獻忠陷重慶苦戰被擒強之跪不應賊曰崇禎已沒汝爲誰守亦不應剗肉縷縷至盡默若禪定者賊怒其固守將屠之巴縣令王錫言于賊曰太守與吾有封疆之責兵與民奉軍令耳賊遂斬

錫餘斷右臂繼之副總兵趙某失律行儉請俾自效至是殉于難

金兵部

金兵部爾何人爾生欲遠我爾死我欲親臣身許君不敢悔不然甲申籌進退御溝水與井水通九原應訝團圞在撫屍慟哭哀黃公視軍御史眞英雄有兒墨經能臨戎

金鉉武進人崇禎間官兵部主事魏闈誅太監張夔等復用事累疏爭之甲申之變投御河死時內監呂胖者睨視之曰是金兵部卽是人素不居我輩于人面豈渠獨能死耶渠生欲遠我我故近之亦自沉毋冠帔投井中妾王氏隨之弟錄哀號數日亦投井死鉉素精易少

亦有生齋集樂府卷二

七

讀康節集書于後曰甲申之春定我進退云云方賊入京城殺視軍御史王章于城上鉉撫屍大慟章亦武進人章子斌死難闔中

北向拜

北向拜辭吾君南向拜辭吾親國恩十三年自祖已及孫恩既深分應死二妾從容同殉此天之與公亦厚矣

馬世奇無錫人京城陷世奇北向拜謝恩復南向拜母遂自經二妾先死方二妾之死也世奇命市三木以二殯妾以一自待曰吾受國恩十三年自祖及孫四世分固應死益以二妾天之與吾厚矣

指門限



門限高高復峻我勿出人勿進盜則戕火則燼藥可嘗醫莫  
近臂可斷脈難診生此居死此殯四十年朝暮恨

鄒氏葉芸妻歸未逾月而寡指門限曰誓不出此姑曰  
志堅矣奈火盜疾病何氏曰火則焚死盜則自刎疾病  
則藥可飲醫不可見臂可斷脈不可診也盤旋一室絃  
織自給四十餘年不一出戶疾篤謂老婦曰我死卽殯  
于此勿容弔者入此明季事

### 搖手三

躍出水搖手三馬公之門有佩潛鳳超杜門終死節誓不負  
兄盧幼哲

龔廷祥字佩潛無錫人馬世奇門下士乙酉五月在金

亦有生齋集樂府卷一

文

陵曰吾不可以負吾師因痛飲投秦淮河行人聚觀廷  
祥躍出水面搖手三而沒華允誠字鳳超高攀龍門人  
亦同縣攀龍將赴水獨有書別之罷官歸杜門讀易後  
與從孫尚濂同日致命盧象觀字幼哲象昇弟甲申之  
變與象昇部將陳坦公同死

### 哀董生

董生胸中一斗血深夜敲殘唾壺缺灑作爰書千萬言言  
直使人眦裂食人祿死人事諸生義可生吾亦行吾志高風  
千古從首陽捕魚賣柴悲國亡悲國亡節乃見剪紙位修破

### 扇

董元哲武進人甲申從賊諸人福王援天寶例六等定

罪元哲憤其太輕作議凡數千言文出傳誦乙酉五月  
歎曰食人祿死人事吾諸生可以無死然不可不死遂  
不食卒薛奇捕魚人也鼎革後沐浴自縊賣柴者不知  
名入文成壩河死石士鳳市人畧識字勝國之變投忠  
義池方未死時剪紙位書曰明布衣石士鳳之位置忠  
義祠中歐敬竹爲人修破扇餽口明末聞變招鄰人飲  
與訣自經死俱武進人

沉淵曲

女伴父死父棄女生夫人赴波濤兒裹巾櫛行巾櫛遂爲家  
國榮千古娥江照人綠堵娥馬跡追芳躅女乎女乎成鼎足

吳兆麟武進人治復女乙酉年十七治復負志節作障

亦有生齋集樂府卷二

九

流自弔詩女曰大人將赴波濤兒裹巾櫛以從治復投

江女一躍隨之治復爲人救甦兆麟竟死女伴父死父

棄女生治復哭其詩也堵翰女正德間人居馬跡山適

李姓翰擢舟迎女墮湖死女亦自溺

悲澄江

白月皎皎秋河高悲筓四起風蕭蕭風蕭蕭兮吹不斷痛飲  
還歌五更轉五更轉聲未終城西一縷光如虹骨如山兮血  
如海一月不盡江流紅千秋怪事有如此寧死同爲跽犬吠  
司城者誰一典史嗚呼司城者誰一典史

閻應元江陰尉遷廣東主簿以母病未行亦會國變僑

居砂山我兵至新尉陳明遇迎主城守我兵二十四萬



圍城死守八十餘日而後克方城之未陷也會中秋給  
軍民賞月錢分曹攜具登城痛飲而許用德製樂府五  
更轉曲令善謳者歌之與刁斗箴吹聲相應三夜罷旦  
日大雨如注有紅光一縷起土橋直射城西俄城陷城  
中死者屍骸枕籍無一人降者

### 孫令來

孫令來吾民生民心本無他願以家保城城頭烏烏角聲亂  
今不速屠民立叛叩頭出血回天心得君一言生死判穹碑  
十尺跌承龜彼何人斯宗剝皮

孫振先署武進縣事晉守宗灝貪狠陰鷲人稱宗剝皮

民心洶洶灝恐會豫王率師攻江陰暨駐常州因請曰

### 亦有生齋集樂府卷二

辛

常民亂萌已形不速屠民且立叛旣勒兵振先急入力  
爭叩頭出血以一家保全城不反灝怒揮刃脇之左右  
鞭笞亂下無異詞而舊守郭嘉穎都督馮可崇皆云振  
先言是城乃得免時郡之縉紳有爲灝撰紀功碑者曰  
常郡守廣陵宗公保全百萬生靈闔郡頌禱之碑

### 九龍山

師爲誰顧憲成友爲誰孫慎行弟爲誰李應昇九龍山前一  
儒者漳海亦耳霞舟名招之不出爲執政勸之不歸生有命  
隻身輾轉波濤中可兒可兒有父風手持木主向烈焰生死  
總傍文宣宮殘骸如灰捨不起身負一函馳萬里死忠臣生

吳鍾巒號霞舟武進人受業顧憲成嘗從高攀龍講學  
九龍山與孫慎行張瑋輩相得門下士數百人李應昇  
其一也入都門黃道周喜曰吾雅慕李仲達恨不得見  
今見霞舟如見仲達矣周延儒再相招之不應移桂林  
推官親友以書招其歸作止歸說謝之子福之死義湖  
中喜曰可兒可兒渡海入昌國衛孔子廟右廡下抱孔  
子木主積薪自焚死義士徐景芳函其骨歸

### 牧牛兒

牧牛兒夢未闌茅君忽遣離牛欄頭顱杯寬腥血熱滅賊除  
非逢堵截蛛絲作字枯桐華孤忠性自孤兒結滄江夜半難  
召兵蒼梧南望愁雲生結交十遁誰留名

### 亦有生齋集梨府卷二十一

王

堵允錫宜興人父堵翁無子禱於三茅山神神命遍擇  
後至一室扁鑰頗嚴惟一牧牛兒睡牛欄側翁願減算  
得之乃許允錫既生翁媪相繼死長爲里塾師嘗盡一  
歲束修所入范白金鑄頭顱杯爲飲器銘曰若要賊滅  
除非堵截及登第以未逮養奏持服廬墓枯桐華蛛絲  
成孝字自是屢立戰功

大兵下湘潭允錫走彬州部曲漸散夜泊潯江以不能  
死國欲沈于江左右持之發病卒允錫所交魯釗輩凡  
十八號十鈍或曰十遁曰十癡不知所終

### 煎海僧

煎海僧冠儒冠移家亦良得爾何不學葛稚川紅顏爲君先



入地身欲與天爭氣勢援軍望斷空突圍髡頂還誇鏡刀利  
煎海僧海可煎不可填頭顱五百甘心墮魂向田橫島邊過  
煎海僧逸其名江陰人本名諸生妻亦工詩畫能舉八  
十觔鏡刀

王師圍江陰率壯士五百人入守臨行其妻自殺曰毋  
爲君內顧憂縣尉閻煌嘗命率五百人突圍求救既出  
少三十人獨提刀引之出如是者三五百人無一損城  
破爲僧率五百人居海島煮鹽自給號煎海當事患爲  
亂使使招之與五百人皆自殺

### 黃衣士

百家姓四方人吾屬爲義豈爲身有心肝立天壤吾屬爲公

亦有生齋集變府卷二

五

焉問黨悲風蕭條日色紫二十餘人同日死至今但識黃衣  
士

黃衣士不知何許人被獲時黃衣衷甲遂以黃衣士呼  
之徐趨起事黃衣士燒城應之見執見太守不跪問其  
姓曰百家姓問其地曰四方人問其黨曰有人心者皆  
是旋與趨等置獄他人破獄出兩人坐如故刑部法獄  
破不去者減等人曰曷請之曰吾屬所爲將以申大義  
耳豈向草間求活耶卒就戮時天晝晦懸其首十餘  
日如生當時所殺二十餘人俱不知姓名

### 米堆山

米堆山一瓶一鉢空磐桓靈岩鄧尉悲日暮流涕大呼時事

去臘月十二吾將行青天浩浩鴻冥冥左挈藥菴師右攜藥地僧

薛案武進人崇禎間知開封時寇張甚案所上計憲臣多不能用戊寅冬寇圍汴城三日黃左諸帥至勉餽給之返郡流涕大呼曰時事去矣投劾歸甲申後棄家爲僧更名米號堆山一瓶一鉢蕭然于靈岩元墓間疾革自縊歷日曰將以臘月十二日行至期而瞑

### 十上策

十上策歸天台念臺弟子復社魁崎嶇閩越將何爲甌香三絕誇遺墨別有遺心人不識燒書空笑鄒衣白

憚日初武進人嘗從劉宗周學名在復社崇禎中上守

亦有生齋集樂府卷二

三

邊十策不報隱天台山崎嶇閩越間後歸里子格工詩善書畫所居曰甌香館鄒之麟亦武進人仕明爲工部主事亦工書畫賦詩有燒卻兒孫應舉書之句

### 大風曲

歌大風觴曲房珊瑚十尺圍靚妝玉杯墮地碎避光君不見千金難易圓圓曲孝廉肯爲寵姬叔

圓圓金牛里人姓陳氏父業驚閨俗呼陳貨郎初爲田戚晚伎後贈吳三桂實圓圓心許之也甲申之變留京師賊遣人招三桂意欲與之及知圓圓爲賊所得遂決意請討吳偉業作圓圓曲有衝冠一怒爲紅顏之句三桂以千金勸易不從三桂在雲南叩圓圓宗黨謬以陳



玉汝對乃使人招之玉汝笑曰吾明時老孝廉豈爲人  
寵姬叔耶圓圓每歌大風之章媚三桂三桂甚嬖之陳  
貨郎至三桂觴之曲房持玉杯戰栗墜地圓圓內慚送  
之歸

子 奘

校字

姪學彭

亦有生齋集樂府卷第二

亦有生齋集樂府卷二

言

先世父億生府君生平喜言桑梓軼事凡有闢名教者無不  
爲之傳述歌詠所著亦有生齋全集久已風行海內咸豐庚  
申之難盡付劫灰治流離兵燹中幸荷 先人餘蔭獲遂生  
還卽謀續刊 先五世祖恭毅公贖稿暨 先世父全集願  
以羸老貧困卒卒不遑而族屬中之稍有力者復漫不爲意  
自惟視陰愒日益不敢不勉焉繇是謀之莊俊甫封君封君  
實愆愆之爲任較讐之役亟以至稿中樂府二卷用活字板  
印行以表彰忠義爲先遵先志也使天假之年俾得從容屏  
當先集以次告成以完未死之責是則七十幸氏所深冀而  
不敢必者已

光緒歲次疆圉大澗獻閏四月第八猶子趙治

原名謹識  
學果

亦有生齋集樂府版

一



3752<sup>v</sup>

120

春 緝

